



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-05/02-04-197185/0/21
Sarajevo, 17.05.2021. godine

SKUPŠTINA KANTONA SARAJEVO
-ovdje-

PREDMET: Odgovor na zastupničko pitanje - zastupnica Danijela Kristić

Zastupnica Danijela Kristić je Vladi Kantona Sarajevo, na nastavku 35. Radne sjednice Skupštine Kantona Sarajevo, održane 28.04.2021. godine, u okviru tačke dnevnog reda „Poslanička/zastupnička pitanja, inicijative i odgovori“, u skladu sa članovima 211. i 214. Poslovnika Skupštine Kantona Sarajevo, uputila sljedeće zastupničko pitanje, citiramo:

„Molim da mi dostavite informaciju o provođenju UREDBE O VRSTI I POSTUPKU OBJAVLJIVANJA PROPISA I JAVNOSTI RADA ORGANA UPRAVE, JAVNIH PREDUZEĆA, JAVNIH USTANOVA I PRAVNIH LICA ČIJI JE OSNIVAČ KANTON SARAJEVO, te:

- *Da li su navedeni organi javnog sektora uspostavili web stranicu što je definisano član 6. navedene Uredbe?*
- *Da li su svi navedeni organi javnog sektora sproveli član 3. i član 7. navedene Uredbe?*
- *Da li su resorna ministarstva Kantona Sarajevo izvršili nadzor nad organima javnog sektora koji su pod njihovim ingerencijama?*
- *Da li je utvrđeno neprovođenje ove Uredbe i da li su izrečene kaznene odredbe, ukoliko jesu za koji broj organa javnog sektora?“*

ODGOVOR:

U vezi sa predmetnom inicijativom, ovim putem Vas obavještavamo da Ministarstvo za odgoj i obrazovanje kontinuirano vrši ažuriranje službene web stranice Ministarstva.


Naime, poznato Vam je da je donošenjem Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo Ministarstvo za obrazovanje, nauku i mlade podijeljeno na Ministarstvo za odgoj i obrazovanje, u čijoj nadležnosti je predškolski odgoj, osnovni odgoj i obrazovanje, srednje obrazovanje i obrazovanje odraslih i Ministarstvo za nauku, visoko obrazovanje i mlade. Ažuriranje stranice je izvršeno s obzirom na pomenutu okolnost, a isto se vrši u saradnji sa Zavodom za informatiku i statistiku Kantona Sarajevo.

Kada su u pitanju ustanove iz nadležnosti ovog ministarstva obavještavamo Vas da je Vlada Kantona Sarajevo svojim Zaključkom, broj: 02-04-1669-21/21, od 25.02.2021. godine, kojim se tražio nadzor nad provođenjem ove uredbe. S tim u vezi iz Ministarstva za odgoj i obrazovanje je upućen zahtjev svim ustanovama iz naše nadležnosti za dostavljanje informacija o provedbi Uredbe.



Shodno navedenom, Javna ustanova „Djeca Sarajeva“, osnovne i srednje škole, kao javne ustanove sa područja Kantona Sarajevo, dostavile su informacije o provedbi Uredbe. Analizom dostavljenih informacija utvrdili smo sljedeće:

1. Sve javne ustanove osnovne i srednje škole, kao i Javna ustanova „Djeca Sarajeva“ (predškolska ustanova iz nadležnosti Ministarstva za odgoj i obrazovanje) imaju uspostavljene web stranice.
2. Članom 3. Uredbe propisana je obaveza objavljivanja propisa i općih akata, koje za predmetne ustanove donosi Skupština Kantona Sarajevo, Vlada Kantona Sarajevo i ministarstvo za odgoj i obrazovanje. Pomenuti akti su dostupni na web stranicama ovih organa. Kada je u pitanju provedba člana 7. Uredbe, na web stranicama ustanova su dostupni podaci definisani stavom (2) ovog člana, a imajući u vidu da se radi o stranicama koje su informativnog karaktera za širu javnost, posebno roditelje i učenike, u potpunosti se poštuje stav (5) Uredbe.
3. Kako je naprijed opisano izvršen je nadzor nad provedbom Uredbe u ustanovama iz nadležnosti Ministarstva za odgoj i obrazovanje, a za direktnu provjeru dostavljenih informacija (nadzor u najužem smislu riječi-provjera sadržaja web stranica ustanova) ovo ministarstvo ne raspolaže u dovoljnoj mjeri ljudskim resursima.
4. Priikom obavljenog nadzora nije utvrđeno nepoštivanje Uredbe niti u jednoj ustanovi iz nadležnosti Ministarstva za odgoj i obrazovanje, shodno čemu nije izrečena nijedna sankcija.



Dostavljeno:

1. Naslovu
2. Stručna služba Vlade
3. Arhivi



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

